

ხელშეკრულება N 1- 207
სახელმწიფო შესყიდვის შესახებ

ქ. თბილისი

14 აგვისტო 2014 წ

„სახელმწიფო შესყიდვების შესახებ“ საქართველოს კანონის მე-3 მუხლის 1-ლი პუნქტის „ს“ ქვეპუნქტის თანახმად, ერთის მხრივ სსიპ „გარემოს ეროვნული სააგენტო“ (შემდგომში „შემსყიდველი“), წარმოდგენილი მისი უფროსის ვლადიმერ ლაზარიშვილის სახით, და მეორეს მხრივ, შპს „სერვისი“ (შემდგომში „მიმწოდებელი“) წარმოდგენილი მისი კომერციული დირექტორის ამირან ცხადაძის სახით, ვხელმძღვანელობთ რა საქართველოში მოქმედი კანონმდებლობით, ვდებთ წინამდებარე ხელშეკრულებას შემდეგზე:

1. ხელშეკრულების საგანი

დაფინანსების წყარო: სსიპ გარემოს ეროვნული სააგენტოს 2014 წლის არასაბიუჯეტო სახსრები.

- 1.1. შესყიდვის ობიექტის დასახელება: შემსყიდველის კუთვნილი დიზელგენერატორის შეკეთება და ტექნიკური მომსახურება (CPV50532300 - გენერატორების შეკეთება და ტექნიკური მომსახურება) დანართი №1-ს შესაბამისად.
- 1.2. შესყიდვის საშუალება: გამარტივებული შესყიდვა.

2. შესყიდვის ობიექტის საერთო ღირებულება

- 2.1. შესყიდვის ობიექტის ერთეულის ფასი მოცემული ხელშეკრულების დანართი №1-ში.
- 2.2. შესყიდვის ობიექტის საერთო სავარაუდო ღირებულება შეადგენს **2208,00** (ორიათასორასრვა) ლარს დღგ-ს გარეშე.

3. შესყიდვის ობიექტის ხარისხი

- 3.1. შესყიდვის ობიექტი უნდა იყოს ხელშეკრულების დანართი №1-ში მითითებული მომსახურებისა და შემსყიდველთან წინასწარ შეთანხმებული პირობების შესაბამისი.

4. შესყიდვის ობიექტის მიწოდების პირობები

- 4.1. შესყიდვის ობიექტის მიღების ადგილია შემსყიდველის იურიდიული მისამართი: ქ. თბილისი, დავით აღმაშენებლის გამზირი №150.
- 4.2. მომსახურების გაწევა უნდა მოხდეს ეტაპობრივად, ხელშეკრულების დანართი №1-ში გაწერილი პირობების შესაბამისად.

5. მხარეთა უფლება-მოვალეობები

- 5.1. თუ შესყიდვის ობიექტი არ იქნება წინამდებარე ხელშეკრულების 1.1 და 3.1 პუნქტებში მოთხოვნილი მომსახურების შესაბამისი ან/და მიმწოდებლის უმოქმედობით გამოწვეულია დაზიანება, მაშინ შემსყიდველი იტოვებს უფლება მოსთხოვოს მიმწოდებელს 2 (ორი) სამუშაო დღის განმავლობაში მიმწოდებლის სახსრებით უზრუნველყოს შემსყიდველის კუთვნილი დიზელგენერატორის გამართულად მუშაობა. წინააღმდეგ შემთხვევაში შემსყიდველი უფლებამოსილია ცალმხრივად გააუქმოს ხელშეკრულება.
- 5.2. შემსყიდველი ვალდებულია, მოახდინოს ანგარიშსწორება მიმწოდებელთან ხელშეკრულებით გათვალისწინებული პირობების შესაბამისად.
- 5.3. მიმწოდებელს უფლება აქვს, მოსთხოვოს შემსყიდველი შესყიდვის ობიექტის ღირებულების ანაზღაურება ხელშეკრულებით გათვალისწინებული პირობებით.
- 5.4. მიმწოდებელი ვალდებულია, შეუფერხებლად მიაწოდოს შემსყიდველს ხელშეკრულებით გათვალისწინებული ხარისხისა და მოცულობის შესყიდვის ობიექტი.

6. ანგარიშსწორების წესი და პირობები

- 6.1. ანგარიშსწორების ფორმაა უნაღდო ანგარიშსწორება.

- 6.2. ანგარიშსწორება ხორციელდება ფაქტიურად გაწეული მომსახურების შესაბამისად, მიღება-ჩაბარების აქტის გაფორმებიდან და შესაბამისი ფინანსური დოკუმენტაციის წარმოდგენიდან 5 (ხუთი) სამუშაო დღის ვადაში.
- 6.3. ანგარიშსწორების საფუძველია მიღება-ჩაბარების აქტი და მიმწოდებლის მიერ წარმოდგენილი შესაბამისი ფინანსური დოკუმენტაცია.

7. მომსახურების მიწოდებისა და მიღება-ჩაბარების წესი

- 7.1. შესყიდვის ობიექტის მიღება დასტურდება მიღება-ჩაბარების აქტის გაფორმებით.
- 7.2. შემსყიდველის მხრიდან ხელშეკრულებით გათვალისწინებული მიღება-ჩაბარების აქტის გაფორმებაზე პასუხისმგებელი პირია სსიპ "გარემოს ეროვნული სააგენტო"-ს ადმინისტრაციული დეპარტამენტის მატერიალურ-ტექნიკური უზრუნველყოფის სამმართველოს უფროსი ზურაბ ტყემალაძე.
- 7.3. შესყიდვის ობიექტის საბოლოო შემოწმება ხორციელდება შესყიდვის ობიექტის მიწოდების ადგილზე, წინამდებარე ხელშეკრულების ორივე მხარის წარმომადგენლების მონაწილეობით.
- 7.4. შემსყიდველი ვალდებულია, ოპერატიულად, წერილობითი სახით აცნობოს მიმწოდებელს საბოლოო შემოწმების შედეგები წუნდების მიზეზის მითითებით.

8. ფორს-მაჟორი

- 8.1. მხარეები არ არიან პასუხისმგებელი, თავიანთ ვალდებულებათა სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებებით, როგორცაა სტიქიური მოვლენები, ომები ან საომარი მდგომარეობები, აგრეთვე სხვა გადაულახავი გარემოებები, თუ ისინი უშუალოდ ახდენენ გავლენას ხელშეკრულების შესრულებაზე. ასეთ შემთხვევაში ხელშეკრულება წყდება ან მისი შესრულების ვადა გადაიწვეს შესაბამისი დროით.
- 8.2. მხარე, რომელიც აღმოჩნდება ფორს-მაჟორულ სიტუაციაში, ვალდებულია, დაუყოვნებლივ, წერილობითი ფორმით აცნობოს ამის შესახებ მეორე მხარეს.

9. მხარეთა პასუხისმგებლობა ხელშეკრულების დარღვევისას

- 9.1. ხელშეკრულებით ნაკისრი ვალდებულების შესრულების ვადების გადაცილების შემთხვევაში, მხარეს ეკისრება პირგასამტეხლო სახელშეკრულებო ღირებულების 0.5%-ის ოდენობით ყოველ ვადაგადაცილებულ დღეზე.
- 9.2. იმ შემთხვევაში, თუ ვადების გადაცილებისათვის დაკისრებული პირგასამტეხლოს თანხა გადააჭარბებს მთლიანი სახელშეკრულებო ღირებულების 2%-ს, მეორე მხარეს უფლება აქვს, შეწყვიტოს ხელშეკრულება და მოითხოვოს მიყენებული ზიანის ანაზღაურება.
- 9.3. იმ შემთხვევაში, თუ შესყიდვის ობიექტის ხარისხი არ შეესაბამება წინამდებარე ხელშეკრულების 1.1. და 3.1 პუნქტებში მითითებულ პარამეტრებს, შემსრულებელი ვალდებულია, დამკვეთის წერილობითი ან ზეპირი შეტყობინების მიღებიდან 2 (ორი) სამუშაო დღის ვადაში უზრუნველყოს ნაკლის ან/და დეფექტის აღმოფხვრა, წინააღმდეგ შემთხვევაში მას დაეკისრება პირგასამტეხლოს გადახდა მთლიანი სახელშეკრულებო ღირებულების 10%-ის ოდენობით.
- 9.4. იმ შემთხვევაში, თუ შემსყიდველი განაცხადებს არამოტივირებულ უარს შესყიდვის ობიექტის შესყიდვაზე, მას დაეკისრება პირგასამტეხლოს გადახდა მთლიანი სახელშეკრულებო ღირებულების 10%-ის ოდენობით.

10. ხელშეკრულების ინსპექტირების პირობები

- 10.1. შემსყიდველი უფლებამოსილია მომსახურების გაწევის პარალელურად მოახდინოს მომსახურების შემოწმება, რომლის მიზანია მისი შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.
- 10.2. შემოწმების შედეგად გამოვლენილი ნებისმიერი ნაკლის ან დეფექტის შემთხვევაში, შემსყიდველი დაუყოვნებლივ წერილობით აცნობებს მიმწოდებელს დაწუნებული მომსახურების ნაწილის და წუნდების მიზეზების მითითებით.
- 10.3. გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგინილი წესით.

10.4. ხელშეკრულების ინსპექტირებას შემსყიდველის მხრიდან განახორციელებს სსიპ „გარემოს ეროვნული სააგენტო“-ს ადმინისტრაციული დეპარტამენტის მატერიალურ-ტექნიკური უზრუნველყოფის სამმართველოს წამყვანი სპეციალისტი ზაზა დვალიაძე.

11. დავის გადაწყვეტის წესი

- 11.1. ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია, გადაწყდეს ორივე მხარის ერთობლივი მოლაპარაკების საფუძველზე.
- 11.2. ასეთი მოლაპარაკების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

12. დასკვნითი დებულებები

- 12.1. წინამდებარე ხელშეკრულება ძალაში შედის მხარეთა მიერ ხელმოწერის დღიდან და ძალაშია 2014 წლის 31 დეკემბრის ჩათვლით.
- 12.2. ხელშეკრულება შედგენილია თანაბარი იურიდიული ძალის მქონე სამ ეგზემპლარად, რომელთაგან 1 (ერთი) ეგზემპლარი გადაეცემა მიმწოდებელს, ხოლო 2 (ორი) ეგზემლარი შემსყიდველს.
- 12.3. მხარეები აუნაზღაურებენ ერთმანეთს მიყენებულ ზარალს საქართველოს კანონმდებლობის შესაბამისად.

13. მხარეთა რეკვიზიტები

“შემსყიდველი”

სსიპ გარემოს ეროვნული სააგენტო

საიდენტიფიკაციო კოდი: 204559691

მისამართი: ქ. თბილისი, დ. აღმაშენებლის გამზ. N150

საბანკო რეკვიზიტები: ს.ს „პროკრედიტ ბანკი“ ც/ფ

ბანკის კოდი: REPLGE22

ანგარიშის №GE32PC0133400100000051

ტელ: 243 95 45

ვლადიმერ ლაზარიშვილი
სააგენტოს უფროსი



“მიმწოდებელი”

შპს „სერვისი“

საიდენტიფიკაციო კოდი: 404422219

მისამართი: ქ. თბილისი, ივანე ჯავახიშვილი №10

საბანკო რეკვიზიტები: სს “თიბისი ბანკი”

ბანკის კოდი: TBCBGE22

ანგარიშის №GE20TB773323602010002

ტელ: +995 32 292 22 40, 597 70 30 00

ამირან ცხადაძე

დირექტორი

2014 წლის 14 აგვისტო სახელმწიფო შესყიდვის შესახებ
ხელშეკრულება №1-207-ის დანართი №1

№	სამუშაოს დასახელება	განზომილების ერთეული	რაოდენობა	ერთეულის ფასი (ლარი)	საერთო ღირებულება (ლარი)
1	ზეთის გამოცვლა	ლიტრი	13	12,00	156,00
2	ზეთის ფილტრის გამოცვლა	ცალი	1	115,00	115,00
3	საწვავის ფილტრის გამოცვლა	ცალი	1	105,00	105,00
4	ჰაერის ფილტრის გამოცვლა	ცალი	1	140,00	140,00
5	ანტიფრიზის შეცვლა	ლიტრი	20	11,00	220,00
სულ ჯამი:					736,00

აუცილებელი პირობა და ვადები დიზელგენერატორის გამართული მუშაობისათვის:

- პირველად ზეთისა და ფილტრების შეცვლა უნდა მოხდეს არაუმეტეს 50 მშ/სთ-ისა;
- ყოველი მომდევნო ზეთისა და ფილტრების შეცვლა უნდა მოხდეს პირველი შეცვლიდან არაუმეტეს 150 მშ/სთ-ისა;

შპს „სერვისი“
დირექტორი:



ამირან ცხადაძე

სსიპ „გარემოს ეროვნული სააგენტო“
ადმინისტრაციული დეპარტამენტის
მატერიალურ-ტექნიკური უზრუნველყოფის
სამმართველოს უფროსი



ზურაბ ტყემალაძე